

KALEO O KALEO

"E MAU KE EA O KA AINA I KA PONO."

Buke II. HONOLULU MEI 7, 1895 Helu 1202

HE MELE KANIKAU NO KUU MA-MA ALOHA UA HALA.

1. Kanikau la he aloha,
Nou no la e Mrs. P. Kihei,
Kuu ma-ma hele loa,
I ke ala hoi ole mai,
Noho iho nei hoi au.
Ka olua lei hiwahiwa
Me ke aloha paumaka
No kou hala ana aku
Walohia wale hoi au
I ko'u ike lihi ana iho,
I ka hoailona eleele
Ma ke aiai o ke kalana
Me na nuhou kaumaha
Au-we? aloha ino kuu ma-ma?
Kuu ike ole ia oe-e

2. Kuu ma-ma i ka lai o Honokohau
Ke one hanau hoi o ka olua lei
Aloha ae au ia Halehehu home
I ke ku kilakila i ka lai
Ua lai no ka uhane
O kuu mama hele loa
He loa ka uka o Makaa
Ia wahi a kuu e hele koolua ai
Hoolau kanaka i na manu
I ke kani hone mai i ka laulau
Hoolau mai ana ko aloha
Hoehaeha i ko'u puuwai
He waiwai nui ko aloha
A ko'u puuwai e lia mau nei
Aloha ae au ia Lipu'u
Kahi a kakou e pili ai,
Elua olua e na Makua
Hookahi hoi au ka olua lei
I-ha hoi i kuu lei hiwahiwa
Kuu luh i kuu wa pilikia
Hoe pili o ke anu me ke koekoe
Au-we? aloha ino kuu mama
Kuu mama hoi-e

3. Kuu makuahine i ka lai o Lele
I ka huikau lua o na lio
Ua lilo ka ka uhane
Me liawahine i ka uka
Auwe? walohia wale
Ka leo aloha o kuu mama
I ka pane ana mai me ke aloha
Aloha no hoi oe e kuu lei
Kuu mea poinaole i na kau a kau
Au-we kuu ma-ma
Kuu makuahine hoi-e
Elua mau kau mau lei
E ola nei i keia ao
A-i kolu no i ka hua mua
A ko mau mau pukaka
Eia au la o Lasell P. Kihei
Kuu kaikunane i aloha ia
Ua liki oe o kuu
Ua ike i ka hanu hope o mama
He nanao kaumaha kai hiki mai
A i a'u nei hoi i kou pokii
A he mea poina ole no'u ke aloha
O kuu mama ke hiki mai
A hiki mai no ko aloha e u-we no au
Kuu aloha pau ole ia oe-e

4. Walohia ke aloha o kuu mama
O Mrs. P. Kihei ua hala-e
Ua pau kou ike hou ana mai
I ka hapa pulima a o kau lei nei
Aloha ka la'i o Koguhou.
I walea i ka malu lau Inia
Ilaila ke uhane o kuu mama
I ke kui lei pua o ka ohai
Au-we, aloha ino, aloha wale
Kuu mama ua hala loa
Aloha ka leo o kuu pa-pa

I ke kaukau mai me ka waimaka
Aloha no oe la e kuu lei
E alo hookahi la i ke kai loa
E noho no oe me ke akahai
A-e pule hoi i ke Akua mana loa
I hooloihi ia mai na la
O kou noho ana me ka maluhia
A na ke akua e hoopomaikai mai
ia oe

Au-we, walohia wale ke hoomanao
ae
Ia mau mapuna leo aloha a o'u
makua
Au-we walohia wale aloha no kuu
Kuu mama maikai loa hoi-e, a-lo-ha.
Haku ia e,
Miss MERIAT ANNE KAMAKA KIHEI.

Ka Makai Kiu Lau Omaomao.

K KUU O NA KUU PILI NI-
honiho o Missouri.

KA MEA NANA I HOOUKA KA PO-
WA IEKE A ME KONA
PUALI HOLOKOA.

Ke Aka kino wailua o ke kuluaumoe

KA MEA NANA I HOOPAKELE
NA KAMAHELE O KA PO.

Ka mea nona ka ipu kukui ka
mahao lua oe.

MOKUNA IV.

Ka hanu ana o ka Makai Kiu
i ka meheu e loa ai ka lima
koko nana i pepeli ke Kiaaina
o Misisipi, a me ka mea nana i
aihue i ke kiu o kana kaika-
mahine, a me ka mea nana i ai-
hue i ka waihana o k e aupun
Ka loa ana o ka powa, paspio
oia a me kona poe he 300. Ka
lilo ana o ka Makai Kiu i ka
hine luahine. Ka lohe ana o ka
Makai Kiu ua mahuka o Ieke
mai ka hale paahau aku o Mi-
souri. Kona hoihoi ana i na pio
i Nu loka. Kona huli h-u ana
ia Ieke. Kipu ia oia make awa.
wa o ka make, a pakele no oia.

Pane hou mai la ua iu nei, pehea
maluhiluhi loa ia paha oe. aole
anei e pono e hoi e hooluolu iku
kou kino palupalu maloko o ko'u
rumi moe, mahope iho o ka aina
kakahiaka, pehea laia i kou manao?

Pane aku la keia, e ke alii wahi-
ne maikai, e kala mai oe ia'u oia
aole i kupono, eiri owuu ai wau
iloko o ka pohai o ka poe iihune,
a o ka lua iho la no keia o ko'u ko-
mo ana iloko o ka hale e like me
keia, mamuli e kou ouolu e ke alii
wahiue.

Nolaila e kala mai oe ia'u e hoi
au. oia he loa ke alabele.

Ia laua no e kukai olelo ana, ka-
ni mai ana ka bele a ke kuene, e
kono mai ana i na mea a pau e na-
e aku e nuu iho i na ono i hooma-
kaukau ia.

I kela wa, ua ku ae la ua Lede
nei iluna, a lalau i hola i ka lima o
ke kaeaea e Missouri, a huki ae la,
a ku ae la no hoi keia iluna.

Ia wa koke no, ua maki mai la
ua nohea nei i na papallua alualu o
ke kuaa kaeaea, a haawi pu maila
i ka pua Rosemary, me na kulu
waimaka pu o ke aloha makua.

I kela wa, ua ike koke iho la keia
ua make io ka ke Kiaaina, ka luau
makuakane heio ua nonea nei, a
he mau setona hoi ia o ka luulua
o ka Makai Kiu no kona ike ana ua
hala io no ka hanu ola o ua Kiaa-
ina nei, aka, aole nae oia i hoike ae
ia mea.

Ua hele like aku ia laua nei a
komo iloko o ka rumi aina a noho
iho la e ai, a hiki wale i ka maona
ana.

I ka pau ana o ka lakou ai ana,
ua hoi ae la lakou a pau no ka ru-
mi hookipa, a malaila lakou kah i
hoonanea ai, no kekahi mau minute.

Ma keia wahi e ku'u makamaka
heluhelu, e ike ai kua i na hana
hookalakupua a ua luahine kuai
pua nei.

I ka Makai Kiu e noho ana ma-
luna o kona nobo, aia kona noonoo
ke noii ala i kana hana e hana ai
i loa ai hoi iaia kahi i waiho ai ke
kino make o ke Kiaaina, a oia keia.

Ua kulou koke iho la kona poo
ilalo, a hoolole aku la i kona leo,
ma na paia ponoi no o ua rumi ai-
na 'la, a poha koke mai la ka leo
ilike loa me ko ke Kiaaina i make,
i ka pane ana mai.

E ku'u kaikamahine aiona, e ku-
hikuhi aku oe i ko'u he-ana i kuu
makuahine aloha, ka mea e noho
pu ala me oukou, e wiki mai kahi.

I ka poha ana mai o keia leo,
uai ka paia mai o ua rumi hookipa
ala ua hoopuiwa koke ia na mea a
pau me ka pio nui no keia leo ku-
panaha.

Oia ka wa i ku koke se ai na mea
a pau itana, a hele aku ia e huli i

kahi o ka leo i pae mai ai, me ka
hoolike ana o na mea a pau he
lapu' he lapu' mai ka Kupapau
mai, a o ka luahine kuai pua hoi,
aole ona leo pane, oia kauli malie
wale iho ro.

Ia lakou no e hio hele nei, me ka
huli ana ua kulou honi hola keia
ilalo, a hoolole hou aku la i kona
leo iloko o kekahi keena, ua hale
ala, a poha koke mai la he leo ilike
loa me ka leo o Robine Hiza, i ka
pane ana mai, e lawe aku i ka Ma-
dame Lau Omaomao, e kuhikahi i
kahi i waiho ia o ke kino o ke Kia-
aina i make, oia, o kona mama
aloha keia, ka muli hoi o kona ma-
kuahine ponoi, i make.

HE MOOLELO KAAO HAWAII

LAUKAIEIE.

Ke Kino Kamahao Iloko

Punohu Ua-koko.

Ke Kahulihol'a o ke Kuluaumoe

na Pali

Wapio Hawaii.

Unahi me More Manu no "KALEO"

Ka huakai hele makaikai a Laukaie
ie me kana Aliikane—Lilo o Ma-
kanikeoe me Hinahelani i mau
alakai ma ka aina a me ka moana
Ike ia na lua hohonu maloko o
ke kai a me ka aina nei—Hele pu
me na ohana ponoi—Hoonohoa o
Laukaieula i Ihikalani—Ulu ka
ieie ma keia mau mokupuni—Lilo
i mea hoomanao ia e ka Lahu
Hawaii nei.

E like me ke ano mau oia, hana
hoohaoli o ka manao, ua nihi malie
mai la na ahehe welau makani
me ke ala waihanua o ka mokiha-
na mai luna mai o Kaala, me ke
ala onaona o ka mauu nene o ke
kula o Malamanui, a me ke kupu-
kupu o Libue ua puia holookoa ke
anaina nui e noho nei i ke ala like
ole o keia mea a lakou e honi nei,
a no ka mea hoi nona keia panea a
me kona ohana apau, he poe lakou
ua manao me.

I ka manawa o ke anaina e ana
i ke ala me ke onaona ebia, aia hoi
ua lobe pono ia aku la ka leo o Ko-
iehi e uhene mai ana ma ke oli apa.

Lei Waipio i ka noe o na pali
Lei ua koko ula i kawai o Ulu
I wainwalu ia e kana lei Oulu
Meholehole me he liko ala
He lei no kuu haku lani
No ka hiki a ka lau ike i kanahelo
O Laukaieie o Laukaieie
Ka wahine i ka maka o ka la

Aweowe ula i ka maka o ka opua
He pua laha ole kuu lani no na
moku

Ke holio mai la i ka moana

Ka makani kaianu o kuu aina
Halawai ae la me ka la o Kilauea
Ea Makua me Keawaula
Po i ke ala maila luna o Koihi

I ke kuu ana iho o keia mele oli
a ka ui kaulana o Waianae, ua like
me ka anapu ana a kauwila i ka
lewa, ua ku like mai la ua poe ui
nei o Ewa iluna me na eiwi—
Maikai Kawaikini he nani ke nana
O ka hemolele o ia uka me ke ona-
ona.

O na lealea i kuupau ia i ua pe-
nei, he hula ia i ike mua ole ia e
ka mea nona keia moolelo kaa o-
le no hoi ia hawina i kona mea
ohana apau e hele nei, po ka mea,
he okoa ke ano o keia hula he huli
a huli mai na alo i kahi hookahi,
oia no ka hula Puili, na hanaia ka
pua o ke ko aki i kui ia i se kaula
mawaena a naa i ka puaia

Olelo Hoolaha

I NA MAKAMAKA HAWAII.

Mamuli o ka pomakahi nui i loa
mai ia'u ma ko'u hanau hou ana i ke
keiki, mahope o iwakalua makahiki o
ka noho pa ana, ka ulu ae ko'u manao
e hoike aku i ke kumu o keia pomai-
kai o keia mau la, penel: He iwaka-
luakumamala ko'u mau makahiki
hanau iho la ka'u hiapo, aole nae i ola
ke keiki. Mai ia wa mai, no ewalu
makahiki, e noho mau ana ka ehaha
o ko'u kino,—e nanahu ana ka opu, e
aaki ana ke kikula, a e loli ano e ana
ka wa mai o na wahine, me ka hele-
iki ana mai o ka wai. No keia kumu,
ua hele au ia

Kauka Akina Alanui Hotele Helu 317,

a ua lapaau ia au e la, a ua hoi hou
mai ko'u ola kino maikai, me ka like
o ka manawa mai wahine a me ke ku-
pono hoi. Mahope o kana lapaau ana
ua hoowaiwai ia mai la ko'u puhaka,
a ua loa ia'u kekahi keiki kane mai-
kai me ka'u kane mare. Nolaila, ua
nui ko'u mahalo la Kauka Akina, a
ke paipai aku nei au i na wahine a
pau i pono e like me ko'u noho ana
mau, e hele ia KAUKA AKINA, ma
ALANUI HOTELE e pili la me Ke-
pahoni, HELU 317, a e hoopau ia no
ko lakou pilikia me ka lohi ole a e po-
maikai koke no hoi lakou i ka hua
hoolu e like me ke kauoha ma ka
Buke Hemolele, e hoolaulai i ka ho-
nua me ke kaka. Owau no, ke
oukou makamaka aloha,

MARY KAM CHUNG,
Alanui Maunakea, Honolulu Mar. 19th
March 19—3m